

ersten diametrum entweder weiter hinein/ oder heraus ruckest/ wie die tägliche praxis dir solches schon wirdt an die Hand geben: Allein will ich dich zum beschluß diß erinnert haben/ das/ so du in diser Kunst/ wie es billich sein solte gewiß wilt zutreffen/ vor allen dingen nach anweisung des hochgelehrten Johan. Hartmanni Bayrn von der Visierkunst/ die æquation fürnembst/ vnd als dann der gebür nach/ wie bißhero gezeigt/ verhaltest: so wirst du dardurch mehr Ehr vnd Lob/ als die gemeine Visierer erlangen. Ist also zwischen diser doppelten/ vnd andern gemeinen Visier Ruthen/ wie sie auch gemacht werden/ kein ander vnderschied/ als das man allhie das ganze Faß mit Holz vnd Wein/ doch die reiff abgezogen/ visieret: In andern aber allein der Wein ohne das Holz: vnd gibt doch das Facit ein Inhalt vnd Contentenz: Wie ein jeder verstendiger den sachen selbs besser nach denken mag.

Wie nun ein Visier Ruthen zu den Weinfässern zugerichte wirdt: also kan man auch eine zu den grossen Stücken bereiten: vnd darmit erkundigen / wievil Centner ohngefahr ein grosse Büx halte/ vnd wievil Pfunt zu solcher von nöthen. Dars von aber/ weils es auß dem vorgehenden mag erlernet werden/ Ich mehr Wort nit will verlieren.

Vom